



Adresa: **Ul. H. Čemerlića 39A**
71000 Sarajevo
<http://www.voda.ba>

tel. +387 33 726 415
fax. +387 33 726 414
e – mail: info@voda.ba

Broj: UP-I/21-3-40-008-4/22
Datum: 28.02.2022.

«Agencija za vodno područje rijeke Save» Sarajevo rješavajući po zahtjevu korisnika JKP "Vodovod i kanalizacija" d.o.o. Jajce za izdavanje vodne dozvole za zahvaćanje vode na vodozahvatu Veliko Plivsko jezero u svrhu vodoopskrbe pitkom vodom potrošača na području općine Jajce i to gradskog urbanog područja kao i naselja: Vrbica, Mile, Pšenik, Klimenta, Peratovci, Prudi, Divičani, Lupnica i Zastinje, na osnovu člana 109. stav 1. točka 1. Zakona o vodama («Službene novine Federacije BiH», broj 70/06) i člana 200 stav 1. Zakona o upravnom postupku («Službene novine Federacije BiH», broj 2/98 i 49/99), donosi:

R J E Š E N J E **o vodnoj dozvoli**

1. Daje se vodna dozvola korisniku JKP "Vodovod i kanalizacija" d.o.o. Jajce, za zahvaćanje vode na vodozahvatu Veliko Plivsko jezero sa 100 l/s u svrhu osiguranja potrebnih količina vode za piće stanovništva i privrede općine Jajce i to gradskog urbanog područja kao i naselja : Vrbica, Mile, Pšenik, Klimenta, Peratovci, Prudi, Divičani, Lupnica, Zastinje, Rika, Kamenice, Podmilačje, Bulići i Prudi.
2. Vodozahvatni objekt se nalazi na lijevoj obali Velikog Plivskog jezera na katastarskoj općini Pijavice, općina Jace.
3. Vodna dozvola se daje na osnovu dostavljene dokumentacije, utvrđenog činjeničnog stanja i uz slijedeće uvjete:
 - 3.1 Da se vodozahvatni objekt održava u funkcionalnom stanju u skladu sa njegovom prirodom i namjenom, izdanim vodnim aktom i općim aktom o održavanju, korištenju i osmatranju vodnog objekta i postupanju u slučaju kvara ili havarije na objektu na osnovu člana 20. stav 4. Zakona o vodama («Službene novine Federacije BiH», broj 70/06) i Pravilnikom o minimumu sadržaja općeg akta o održavanju, korištenju, promatranju vodnih objekata („Sl. novine Federacije BiH" broj: 97/19.).
 - 3.2. Investitor treba da vrši automatsko mjerenje količina zahvaćene vode. Mjerenje količina zahvaćene vode osigura atestiranim vodomjerima čije funkcioniranje i točnost se može jednostavno provjeriti. Evidenciju o mjerenjima zahvaćenih količina vode vršiti u skladu sa Pravilnikom o sadržaju i načinu vođenja evidencije i dostavljanje podataka o količinama zahvaćene vode („Službene novine FBiH" br. 83/08).».
 - 3.3 Ugrađene mjerne uređaje za evidentiranje zahvaćenih količina vode potrebno je redovno održavati i baždariti i u tom smislu angažirati ovlaštena pravna lica.
 - 3.4 Korisnik predmetnog objekta je dužan osigurati stalni i sistemski pregled vode i poduzimati mjere za osiguranje zdravstveno ispravne vode za piće sukladno sa Pravilnikom o zdravstvenoj ispravnosti vode za piće ("Službeni glasnik BiH", 40/10, 43/10, 30/12 i 62/17), te osigurati tehničku ispravnost ugrađene opreme (crpke, vodomjeri, zatvarači, klorinator itd.).
 - 3.5 Kontrolu-ispitivanja kvaliteta vode za potrebe vodoopskrbe vodom za piće stanovništva mogu vršiti ovlaštene laboratorije, u skladu sa članom 48 stav 3. Zakona o vodama.

- 3.6 Ukoliko se u slučaju redovnih ili izvanrednih analiza i kontrola kvaliteta vode iz ovog vodovodnog sistema utvrdi da ista ne zadovoljava uvjete vode za piće propisane Pravilnikom o zdravstvenoj ispravnosti vode za piće, vodovodni sistem treba isključiti iz upotrebe odnosno blagovremeno, na adekvatan način, obavijestiti krajnje potrošače da voda nije za piće.
- 3.7 Korisnik je dužan vršiti redovitu kontrolu uskladištenih kemikalija i obezbijediti takve uvjete koji će spriječiti zagađenje površinskih i podzemnih voda uskladištenim materijama, odnosno, obezbijediti moguće isticanje hlora iz objekata i iz posuda, odgovarajućim tankvanama. Takođe je dužan obezbijediti adekvatan apsorber za prikupljanje hemikalija u slučaju incidentnog izlivanja.
- 3.8 Da se vrši stalna dezinfekcija vode klorisanjem kao i kontrola rezidualnog hlora u pitkoj vodi u gradskoj – distributivnoj mreži.
- 3.9 Da se uredno vodi dnevnik rada u koji će se unositi podaci o postupku klorinacije i potrošnje svih kemikalija, da se isti skladišti samo u prostoriji klorne stanice, te da se vrši redovna kontrola uskladištenih kemikalija i osiguraju svi potrebni uvjeti u cilju sprečavanja zagađenja površinskih i podzemnih voda uskladištenim materijama.
- 3.10 Ishoditi Upotrebnu dozvolu za sve izgrađene objekte u zaštitnoj zoni izvorišta od nadležne institucije.
4. Ukoliko radom predmetnog objekta dođe do promjene režima voda, a te promjene prouzrokuju štete ma kakvog karaktera, korisnik je dužan uzroke štete otkloniti, a nastale štete nadoknaditi.
5. Korisnik objekta treba da u cilju kontrole, evidencije i plaćanja količina zahvaćene vode vrši kontinuirano mjerenje količina zahvaćene vode na izvoru "Veliko Plivsko jezero" i podatke o tim mjerenjima unosi u Knjigu evidencije o količinama zahvaćene vode. Mjerenje količina zahvaćene vode osigurati atestiranim vodomjerima čije funkcioniranje i tačnost se može jednostavno provjeriti. Evidenciju o mjerenjima zahvaćenih količina vode vršiti u skladu sa Pravilnikom o sadržaju i načinu vođenja evidencije i dostavljanje podataka o količinama zahvaćene vode („Sl. novine FBiH" br. 83/08). Korisnik je dužan uredno vršiti plaćanje vodnih naknada i po osnovu zahvaćenih količina vode shodno članu 170 stav 1. točka 1 alineja 1 Zakona o vodama, a u skladu sa Pravilnikom načinu obračunavanja i plaćanja i kontroli izmirivanja obaveza na osnovu opće vodne naknade i posebnih vodnih naknada („Sl. novine FBiH" 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH", broj 46/07, 10/14 i 03/16).
- 5.1 Vlasnik će plaćanje vodne naknade za iskorištavanje vode vršiti na osnovu utvrđene količine vode koju zahvata. Podatke o zahvaćenim količinama vode korisnik je dužan dostavljati u formi mjesečnog izvještaja na obrascu „ZV" «Agenciji za vodno područje rijeke Save» Sarajevo.
- 5.2 Posebnu vodnu naknadu za korištenje površinskih i podzemnih voda korisnik će plaćati na osnovicu koju čini količina zahvaćene vode, o čemu je obavezan dostavljati mjesečni izvještaj ovoj Agenciji. Odluka o visini posebnih vodnih naknada („Sl. novine FBiH" 46/07, 10/14 i 03/16) svojim članom II točka 1 definiše visinu ove vrste naknada.
6. U slučaju potrebe izvođenja drugih istražnih radova na užem lokalitetu izvorišta «Veliko Plivsko jezero» ili izgradnje novih, rekonstrukciju ili uklanjanje postojećih objekata na izvorištu «Veliko Plivsko jezero», korisnik sistema je dužan prethodno pribaviti odgovarajuća vodna akta (prethodnu vodnu suglasnost, vodnu suglasnost i vodnu dozvolu) od nadležnog organa.
7. Ugrađene mjerne uređaje za evidentiranje zahvaćenih količina vode potrebno je redovno održavati i baždariti i u tom smislu angažirati ovlaštena pravna lica.
8. Izgrađeni objekt se može koristiti samo u skladu sa njegovom namjenom prema projektnoj dokumentaciji i građevinskoj dozvoli.

9. Ova vodna dozvola, shodno članu 117. stav 1. Zakona o vodama („Službene novine Federacije BiH“, broj 70/06) se daje sa rokom važenja od pet godina od pravosnažnosti ovog rješenja.
10. Ovo Rješenje može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.
11. Prava stečena na osnovu ove vodne dozvole ne mogu se prenositi na treća lica, a ista se mogu izmijeniti u zakonom propisanim slučajevima.
12. Korisnik vodne dozvole je dužan da prije isteka važnosti ove vodne dozvole podnese zahtjev za izdavanje nove vodne dozvole.

Obrazloženje

Svojim zahtjevom Javno poduzeće JKP „Vodovod i kanalizacija“ d.o.o. Jajce, podnio je ovoj Agenciji zahtjev za izdavanje Vodne dozvole za zahvaćanje vode na vodozahvatu na Velikom Plivskom jezeru u cilju vodoopskrbe pitkom vodom potrošača na području općine Jajce i to gradskog urbanog područja kao i naselja Vrbica, Mile, Pšenik, Klimenta, Peratovci, Prudi, Divičani, Lupnica, Zastinje, Rika, Kamenice, Podmilačje, Bulići i Prudi.

Uz zahtjev dostavljena je sljedeća dokumentacija:

- Kopija Rješenja o registraciji broj: 051-0-Reg-14-000249 od 13.05.2014. godine, izdanog od strane Općinskog suda u Travniku.
- Kopija Uvjerenja o poreskoj registraciji i identifikacionom broju od 26.08.2011. godine, izdanog od strane Porezne uprave – Kantonalni ured Novi Travnik,
- Kopija Uvjerenja o registraciji obveznika poreza na dodanu vrijednost, broj: 04/1-UPP/1-25404/07 od 07.09.2007., izdanog od strane Uprave za indirektno-neizravno oporezivanje Banja Luka.
- Odluku Općinskog vijeća Jajce o prenosu upravljanja komunalnim, javnim vodovodom na JKP „Vodovod i Kanalizacija“ d.o.o. Jajce br: 01-02-71774/06 od 30.03.2006.god..
- Novelacija Elaborat zaštitnih mjera za određivanje zona sanitarne zaštite vodozahvata na velikom Plivskom jezeru izrađen od „HIGRACON“ d.o.o. Sarajevo iz 12/2015..
- Elaborat o vodozaštitnoj zoni izvorišta Dućani izrađen od „OIKOS“ d.o.o Sarajevo iz 7/11.
- Analitičko izvješće o ispravnosti vode za piće br.29 od 24.1.2022.god., izrađeno od Zavoda za javno zdravstvo Županije Livno.
- Odluka o privremenoj zaštiti vodozahvata na Velikom Plivskom jezeru sa koga se obavlja javna vodoopskrba pitke vode br. 05-25-3-847/16 od 24.10.2016., izdana od Službe privrede i gospodarstva, općine Jajce.
- Dokaz o uplaćenju upravnoj taksi.
- Vodoprivredna dozvola br UP-I-06-337-637/88 OD 15.01.1989. god.
- Opći akt o održavanju, korištenju i osmatranju objekata i mreže vodoopskrbnoga sustava općine Jace.

Nakon pregleda dostavljene dokumentacije, u skladu sa članom 12. stav 5. Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20), izvršen je obilazak vodozahvata na Velikom Plivskom jezeru i tom prilikom je sačinjen zapisnik o uviđaju broj: UP-I/21-3-40-008-3/22 od 23.02.2021. u kojem je konstatirano sljedeće:

Vodozahvatu na Velikom Plivskom jezeru izrađen je u cilju vodoopskrbe pitkom vodom potrošača na području općine Jajce i to gradskog urbanog područja kao i naselja Vrbica, Mile, Pšenik, Klimenta, Peratovci, Prudi, Divičani, Lupnica, Zastinje, Rika, Kamenice, Podmilačje, Bulići i Prudi

Na Vodozahvatu Veliko Plivsko jezero zahvaćeno je 100 l/s, vodozahvat je izveden na Velikom Plivskom jezeru odakle se voda, gravitaciono transportira do postrojenja za tretman voda u koagulator zapremine 600m³ nakon čega se prečišćava kroz dva automatska samoispirajuća filtera i prečišćena se uvodi u vodospremnik zapremine 500m³ odakle se transportira sa dva cjevovoda Ø 300 i 400 u sustav vodooprkrbe.

Zona sanitarne zaštite je izvedena žičanom ogradom kojom su obuhvaćeni svi vodvodni objekti. U zoni zaštite formirana je čuvarska služba koja kontrolira i ostale zone zaštite izvorišta.

Interno se svakodnevno, u lokalnoj laboratoriji radi fizikalno kemijska ispitivanja vode kao i mikrobiološke analize a zvanična ispitivanja provodi Zavod za javno zdravstvo Hercegbosanske županije.

Za zahvat Veliko Plivsko jezero izrađen je elaborati o vodozaštitnim zonama i na osnovu njega donesena privremena odluka o vodozaštitnoj zoni izdana od Službe gospodarstva općine Jajce a stalna nije moguće iz razloga što je treća, vodozaštitna zona u RS s kojom nije postignut sporazum po ovom pitanju.

Na osnovu provedenog postupka, a prema članu 17. stav 1. i 2. Zakona o vodama, u svrhu ostvarivanja prava na vodu drugim korisnicima kao i održivog korištenja voda, korisniku objekata JKP "Vodovod i kanalizacija" d.o.o. Jajce, ovom su vodnom dozvolom, u točki 3. dispozitiva rješenja, propisani uvjeti korištenja objekata. Podnosilac zahtjeva, kao korisnik objekata obavezan je pridržavati se navedenih uvjeta, u skladu sa članovima 48., 64. i 66., 116. Zakona o vodama i članovima 13. i 14. Pravilnika o sadržaju, obliku i uvjetima i načinu izdavanja i čuvanja vodnih akata. Konstatuje se da je podnosilac zahtjeva JKP "Vodovod i kanalizacija" d.o.o. Jajce, ispunio minimum uslova za izdavanje vodne dozvole za zahvat vode na Velikom Plivskom jezeru u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na području naselja općine Jajce i to gradskog urbanog područja kao i naselja Vrbica, Mile, Pšenik, Klimenta, Peratovci, Prudi, Divičani, Lupnica i Zastinje, te je riješeno kao u dispozitivu ovog rješenja.

Pouka o pravnom lijeku

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja. Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Marko Barić, dipl.ing.grad.

Po ovlaštenju

Rukovodilac Sektora za izdavanje vodnih akata

Ališehović Haris, dipl.inž.grad.

Dostaviti:

- JKP „Vodovod i KANALIZACIJA“ d.o.o. Jajce, H.V.H br.1, Jajce
- AVP, ISV –Vodna knjiga
- Sektor 50
- Sektor 40, arhiva
- oglasna ploča AVP Sava